

嘉筆禾微獻錄

嘉禾徵獻錄卷四十二

嘉興所
乍浦所

郡人盛楓丹山輯

男支焯校訂

曾

才

玄孫勇
子天錫

牛

忠

姚

岑

子思舜

張

性

伯祖盟
伯父林

許

占

王

林

六世孫
鐘

王

禮

伯父滿
帖木兒父永平
玄孫繼隆
隆子國昌

趙

信

父祥

康

泳

子弼
弼曾孫綬

承爵

徐

勝

父福
子榮

楊

名正

祖僧兒
父正
曾孫臣

郭

阿保

劉繼驥
杜斌

張

裔

真馬兒

陳馬兒

教鎮 倪旣 倪輔

鮑

宣

胡士澄 茅堂 鮑忠

曾才江西清江縣人洪武二年來為嘉興所百戶卒
子斌嗣斌卒子宣嗣宣卒子能嗣能卒子勇嗣嘉靖
中禦倭有功當遷病卒子天錫特授蘇州衛指揮

牛忠

一作衷

世將家子失其黃籍所由隸嘉興所其家

有女為太保屠勳後妻因以文章游公卿間襲百戶
天順中調蜀府護衛千戶蜀王令增輯宋丞相陸佃
埤雅為埤雅廣要四十卷初佃之為是書首著名物
殿以天文先後失敘又其搜羅未廣蜀王病之忠乃

別析門類增益異聞冠以天道終之神異久乃告成
云

姚岑潛山人嘉興所百戶砂腰之敗死於倭以子思
舜襲陞授千戶

張性其先太和人伯祖盟陳友諒初起時為鎮撫元
至正辛丑江州城破降即授英武衛所鎮撫從征福
建卒於軍子林嗣從東川侯出征戰歿林無子性以
姪承襲洪武二十七調年乍浦所鎮撫卒子瑛嗣瑛
卒子仁嗣仁卒子忱嗣忱卒子思嗣思卒子德嗣德

卒子應乾嗣應乾卒子國治嗣國治卒子鵬舉嗣
許占鄉里未詳為乍浦所千戶洪武三十四年陞本
衛指揮僉事永樂四年從都指揮使張勝征交趾屢
戰有功五年二月又從都指揮使羅文攻廣原州天
峯寨死於陣占在衛廉恕人感之不忘無子失襲
王林密雲人洪武二年應募充大寧前衛靖難初累
功授平陽衛正千戶永樂二年調乍浦所千戶林卒
子端嗣端卒子政嗣景泰元年征金華卒子雄嗣雄
卒子綬嗣綬卒子璽嗣璽卒子鏜嗣鏜嘉靖三十二

年倭犯乍浦城陷陣死子邦振襲邦振卒子建忠嗣
王禮本小河人伯父滿帖木兒洪武二十年歸太祖
隸永平衛靖難初戰歿父永平永樂二年襲陞副千
戶卒禮襲始賜姓王氏十七年調乍浦所千戶卒子
節嗣節卒子鉞嗣鉞卒子淮嗣淮卒子繼隆嗣繼隆
膂力過人嘉靖癸丑倭寇新塘紫角大戰追至白馬廟
戰歿子國昌嗣襲正千戶卒子世勳嗣繼隆之死有
千戶姜楫同死於陣失其本末

趙信本盱眙人父祥元至正丙申歸潘平章隸濠州

衛園杭州克上都征茂州及龍南對陣為伏弩所傷
洪武十七年陞府軍衛百戶卒信襲二十四年調湫
浦所百戶永樂四年從指揮尚鷹征安南攻多邦敗
之六年出汛守鎮夷衛八年檄哨爭江戰歿子本昂
嗣本昂卒子璵嗣璵卒子和嗣和卒子淮嗣淮卒子
加住嗣加住卒子承印嗣承印卒子廷用嗣

康泳本嵩縣人洪武四年募隸虎賁左衛為小旗從
征北平雲南鄧州改府軍衛總旗三十一年授乍浦
所百戶卒子弼嗣正統十四年檄征金華受賞卒子

寧嗣寧卒子輔嗣輔卒子綬嗣綬有勇畧嘉靖甲寅倭攻乍浦至砂腰戰歿於白馬廟子汝賜汝昇以死事子並襲百戶汝賜子承爵

承爵字德復德一字以軍舍寄學中萬厯丙午己酉

武舉庚戌進士授衛鎮撫遷浙江巡標中軍官承爵饒有幹畧以才能見稱入為神機三營游擊扈從郊祀幸太學魏忠賢用事承爵懼禍力求外補乃出為廣東惠州營叅將山寇葉文林海寇劉香剽掠檄勦破之調廣西右叅將又平龍山賊胡扶記等崇禎初

以功陞分守台金嚴等處副總兵官破海寇張弘銘
於大陳山轉戰又破之於韭山捷聞加都督僉事癸
未以都督同知為分守貴州等處總兵官未至而國
破南臺建詔諸路勤王行至丹陽聞馬士英用事度
不能立功乃以兵屬他將微服歸鬱鬱不得志乙酉
南都陷承爵聚民兵馬守禦計七月戰於平湖西門
外陷陣死

徐勝本巢縣人父福元至正丁酉歸桑院判征江西
及蘇湖選授總旗征四川戰歿勝補征迤北及雲南

有功陞百戶洪武三十年實授敝浦所百戶卒子榮
嗣榮正統八年倭寇海鹽登岸接戰死於陣子政嗣
政卒子銳嗣銳卒子洪嗣洪卒子乾嗣乾卒子學孔
嗣學孔卒子一麟嗣

楊名正本東阿人祖僧兒洪武元年募隸永清右衛
十四年征灰山歿於陣父正靖難初累功陞鳳陽衛
百戶永樂七年征交趾復歿於陣名正襲正統八年
調乍浦所百戶卒子暉嗣暉卒子恩嗣恩卒子臣嗣
臣嘉靖癸丑倭寇海鹽至白馬廟臣出禦之力戰死

無子遂絕

郭阿保中所人劉蠻驢前所人正統中以驍勇選從指揮僉事彭程征沙處賊程作木柵與賊相持有賊騎而揮斧至柵下兩人忽從內躍出郭一手提刀一手舞牌蹲而前迎劉以鐵叉攔賊斧郭乘間以刀斬馬足賊仆殪之歸○同時有杜斌右所人亦善用鐵叉臨戰以死自誓先投叉城外身隨之下連刺殺三賊真馬兒左所人夜負巨砲入賊寨發之賊驚自相殺因擊敗其衆後賊平頒賞薄杜斌上功僅得銀牌

一方而已

張裔中所人正德八年從征開化寇王浩八潛入其巢發銃驚之殺數百人後死於矮婆橋之戰

陳馬兒者乍浦軍也嘉靖丙午倭犯金家灣指揮方泰射中一倭追之墜馬而傷馬兒扶泰上馬與教鎮護從一倭刺馬兒不能中一倭刺鎮仆之馬兒救鎮起復有二倭至同刺馬兒鎗及身馬兒以脇夾其一以足拉去其一以一人敵四倭戰甚力援絕走至山半自擲下足陷石窟中被殺泰為文祭而瘞之哭甚

哀○時同戰者有倪軌倪輔李咬住凌義一林岳並效勇而凌林二人亦戰死二倪及教中所人餘未詳所隸教後亦死矮婆橋之戰

鮑宣胡士澄茅堂鮑惠四人者並以勇力聞亦死於倭嘉靖癸丑四月二日倭船泊演武場海岸衛帥率兵禦之宣手抱一倭與俱死士澄以火藥焚其船亦與酋八大王者俱燼餘倭走矮婆橋堂追之手梟一倭與惠及教鎮血戰良久伏發咸死惠元喪身挺立若赴敵然鮑惠亦云舒惠時戰死者十八人姓名多

失紀又孟堰橋之戰死事軍卒劉大仲等數十人同
郡給事中錢薇為文祭之官遣百戶方奎典史夏楠
收骨營葬亦逸其名大仲者處州衛銀阮汛卒以調
統五百人來鹽累有戰功

嘉禾徵獻錄卷四十三

忠義

郡人盛楓丹山輯

男支陸校諱

范希雲

沈應仕

沈方

沈鴻起

夏祖訓

湯執中

徐一源

魯國卿

周宗彝

弟啟琦 瑋先
妻卜氏妾

高穎琦

妻徐氏

僕周龍

張翊

秦如泉

吳重光

葉仲垣

陳繼新

邱岳

陸平

孫佐

鍾鳴遠 潘壁

沈本

子淳

金昇

盛

子鑑

鍾遠

王全

顏小童王顯保

王昇

彝

仇必達

弟必顯必侃

兄武昂

陳源

陸申

道乾

徐梗

沈文銳

范希雲秀水人府學生員年少負氣騎射冠其儕嘉靖甲寅倭寇郡郡有司閱鄉兵選材武士將之希雲

請往乃以為先鋒屢陳方畧敗倭於平湖追及白馬
堰接戰三晝夜力盡陷陣死時年二十六

沈應仕秀水人與希雲同時死事亦少年素以膽勇
聞一日帥鄉團兵數十人出北關與倭角手刃兩三
人倭憤盡銳攻之中短兵左臂廢猶力鬪復殺四五
人衆懼無敢前救者卒為倭獲支解而死

沈方字大愚原名士端字彥方桐鄉人崇禎己卯應
天副榜授荊門州同知流賊李自成羅汝材合兵由
唐縣而西欲從間道至州方下車即嚴守望勤撫循

巡撫宋一鶴調赴黃陂欲留方軍中而賊決河灌汴
秦督丁啟睿師潰川兵二萬應調過荆門知州以疾
去官方馳還攝州事至即詣蜀師勞帥開曉大義軍
中肅然無所犯汝寧陷賊南上悉力來攻諸城望風
潰方獨據城守楚師左良玉走鄖撫王永祚中矢卧
軍中千里無援相持二十日糧盡城陷為賊所縛不
屈被殺家口十八人皆死壬午十二月十四日事也
沈鴻起字漢翔嘉善人鄉貢崇禎間為烏程訓導遷
太湖教諭左良玉兵為亂人勸其去鴻起毅然曰吾

木鐸明倫而臨難苟免乎卒死於寇闔門遇害者十

三人

見太湖志

夏祖訓字仲有號昭許秀水人崇禎甲申以貢除知
呈貢縣土酋沙定洲以調征吾必奎赴省及定洲至
吾逆已平定洲翱翔省會不去乙酉十二月遂逐沐
藩盤踞省城圍沐藩於楚雄楚雄與定洲相持呈貢
為要地祖訓勢孤力盡赴水死僕史陸二人殉之明
稿附席上珍傳云有孔師程者昆明人以從軍得官
糾合普寧呈貢諸州縣起兵拒張獻忠黨孫可望李
定國定國率衆奄至師程泛舟遁普寧知州冷陽春
呈貢知縣夏祖訓死之與此稍異按滇南外史孫可

望等據滇省凡軍民田地盡占為皇莊各營設立管
莊呈貢普寧昆陽新興等處各舉義殺賊而孔師程
者奉隆武敕命來滇調兵勤王沙逆以流寇入滇誘
入宅中同據險地師程知定洲必敗說其歸降未果
適定洲以湯嘉賓家有喪私行下宅師程洩之定國
遂掩襲之乃獲定洲及嘉賓頭目人等械赴雲南省
城遂將賊巢盡洗以皆師程力時吳縣黃孔昭知大
特赦原之亦與明史稿稍異

姚縣特紀其事有詩哀之靜志居詩話夏君與先太

入門一徑繞至水榭余童子時從先君子造君獲聞

講論畫又書卷恍然在目隣有死封疆之臣耄矣讀

黃孔昭含美之詩始克知之

湯執中嘉興人以邑掾滿考授廬陵縣丞崇禎壬申

粵寇入吉安永豐直抵泰和白羊均百戶梁學兵寡

被殺漸逼郡城執中率義勇拒賊至富田賊突至殺
巡簡龍德新民家盡被劫掠次日執中更招集鄉兵
與賊遇於木湖洲奮勇直前手刃數賊砲擊折賊陣
旗賊將遁而執中前騎為賊矢所中馬驚逸不能止
執中墜馬遂被害上官題敘有旨褒卹

徐一源崇德人

河南通志作海鹽人

亦起家掾吏授歸德衛經

厯崇禎末闖賊攻歸德一源分守城北殺賊甚衆城
破猶巷戰力屈罵賊死詔即死所立祠命有司歲時
祀之

河南通志有傳

魯國鄉崇德人崇禎間以邑掾滿考授韓王府工正
流賊充斥城陷國鄉死之事聞贈衛經歷就死事地
方有司致祭會國破未及立祠

周宗彝字五重本海寧人居嘉興之硤石山幼從倪
元璐游崇禎己卯中式順天鄉試不第歸時盜賊充
斥捐資設闕廟立水柵以為一鄉防禦甲申三月間
帝及后殉國謂其家曰吾遭喪亂親冒矢石保障一
方以俟時清今勢不可支吾不待蹈海死矣妻卜氏
抱三歲子與其妾朱衣紫衣即躍入池中弟啟琦等

闔門盡節者四十八人其弟瑋光尚死守乙酉八月望黑霧晝晦兵破硤石披甲巷戰被數創而死

高穎琦字章甫秀水人諸生乙酉六月郡城將陷有勸之出避者穎琦曰公等忍棄城去耶平日讀聖賢書所學何事城亡與亡吾死猶生也城陷被殺妻徐氏語三女曰不可辱身以背父先推墮井中氏亦投井死其僕周龍者以羹湯對井哭奠畢亦死之一門盡節者十三人

張翊字叔闇嘉興人諸生居城北乙酉六月城破士

民皆逃匿胡與妻獨不去儒衣冠而坐於門外兵入死之妻子僮僕十餘人皆被難隣人秦如泉等四人仗義殮之殮畢悉自縊死

吳重光桐鄉人初為衙胥同儕與之常例錢輒擲諸地曰此業錢安所不得一盃飯乃從地獄中覓食自是絕足不入官崇禎末闖寇大亂重光聞人言賊事忼慨憤激甲申春挈弟之鄉時方蠶提筐於野聞燕京失守棄筐走入城問國破信否衆曰七日矣皇帝柰何曰與城同盡又問帝二子何在曰闖已自帝安

所得二子重光捫腹捶胸喚奈何歸繞屋而啼仰天
號曰一至此乎小人伴皇帝死矣作數字壓硯底慰
其弟遂自縊

葉仲垣秀水人少喪父母傭身為將漕卒刺船崇禎
末至南都充禁衛軍南臺建常出入羽林為殿前刀
手目擊時艱銜刀自縛於午門外陳四事一曰清心
寡慾二曰居重馭輕三曰明目達聰四曰激濁揚清
大畧言國事搶攘之秋強敵在外強鎮在內不思自
強以圖恢復乃後宮數千歌舞浹旬大臣有狎客之

風宦豎昏花鳥之使坐使忠臣喪氣烈士摧肝可危者一唐時藩鎮縱多跋扈有一二賢將迎鑾饋餉靈武興元實因以復國今諸將在外招之不來麾之不去間有自稱扈蹕者亦陽奉陰違其源皆由於禁衛不振羽林越騎徒然備員即有旦夕之警非此輩不足以禦敵故士志益驕而臣節益戾腹心空虛尾大不掉可危者二古來將相協和則國勢自振廉藺刎頸千古可師今閣臣懸軍於外以圖北指本依倚為長城乃羽檄交馳而九閣不知庚癸頻呼而百司罔

聞以江淮為棄土以督師為孤注必至與城俱斃而後已門戶之事尚不及周知况能望黃龍塞乎可危者三納粟捐金拜爵贖罪雖補救於一時然吏道之雜未有不由於此者士類既濁亂而資格混淆四民皆恥其本業務求非分之財頃刻郎吏忽然金紫奔走馳驅罔非白丁銅臭一旦有事此輩豈堪任干城而扞牧圉乎民貧極矣上因而收其餘財强者得財則為官不得則為盜賊懦者轉死道路國無人矣誰可與守可危者四書入不省亦不罪也國破後落魄

江湖歸仍為漕卒家傭年老丐食僧院窮餓死仲垣素不知書其稿乃丐江浦諸生秦汝昇作亡其名汝昇字也

陳繼新字澹持錢唐人崇禎末諸生國破浪游江湖為怨家所搆下獄有四妾挾篋而逃妻邵賢而才苦為營救得釋寓於禾以醫自給邑子項某坐事論死家徙邊有幼子在襁褓撫以為子嘗游京師每故人落魄及疾病或客死者必周贍經理盡其心力而口不言功晚歲歸禾貧甚以兄子為後有所感憤一日

覓舟至城西自沉龍淵死

邱岳字梁父本徽州人諸生崇禎末流寓嘉興客於朱氏因割城北園宅之半館之素任俠以時方多難有志從戎與儀制主事譚貞良善貞良入閩偕之行岳見其勢不支棄走山中閩破入粵至潮州天下大定為邏卒所得斬於市

陸平字國平平湖人正統庚申歲饑與邑人孫佐鍾鳴遠潘璧四人各出米二千石助賑有司上其名勞以羊酒復其家三年

沈本秀水人世居邑之永樂里積纖起家郡邑舉為
萬石長守法奉公無少侵漁正統辛酉歲大饑有詔
勸富民賑貸本首輸粟五千斛旌為義民未幾閭寇
猖獗有司帥民兵往禦之本鼓率鄉勇及家僮偕行
累有功景泰癸酉募富民納粟以實邊本以白糧數
百斛應詔將上道疾作屬子淳代往輸之授散官給
冠帶

金昇字彥昇號耕樂主人居嘉興長水塘金寶港累
世皆以農業成家至昇益裕正統辛酉歲饑募民出

粟昇捐粟三千斛賜旌卒年七十五同郡大司馬項忠為作墓誌昇二子茂盛

盛字宗衍號椿菴景泰癸酉歲饑盛為兄茂捐米四百五十石拜官乙亥又饑盛又出粟一千八百石授將仕郎本郡饑貸民種穀數千斛其卒也亦忠為墓銘子鑑字仲昭號隣竹諸生輯族譜甚詳

鍾遠桐鄉人正統壬戌歲饑出穀麥一千七百六十餘石助賑事聞詔建坊旌之。同時有王金顏小童王顯保亦捐粟數百石朝廷榮以羊酒旌為義民賜

冠帶復其家二年

王昇字廷旭嘉興人正統壬戌歲饑昇出粟六百石發賑助人喪葬修橋梁年九十三卒賜冠帶族人爰

昇字叔倫號蘭臺景泰乙亥歲饑出粟二千六百石以賑事聞予冠帶丙子饑又出粟三百石成化乙酉又出粟四百石丙戌出粟五百斛加授散官居家施人醫藥不責其報年七十二卒

仇必達弟必顯奉化人國初隨舅氏戍海寧衛與兄武昂季弟必侃同居共爨相友愛內外無間言里人

匾其居曰和樂堂必顯道遇殍骸白必達買棺殮之
嘗鑿路井五十以濟道渴正統壬戌官軍杜忠等與
海盜戰溺於沈家門七日不食必顯捐粟募筏救之
得生者七十二人

陳源字本深海鹽人性孝友好施父遺盡讓之兄弟
復居積致饒成化丙戌歲大祲為粥以食飢者好納
四方游士戶常滿詔賜冠帶粟帛

陸申字天厚嘉善人父某無辜下獄申刺血訟寃得
釋以國子生授楚府典儀楚愍王為世子英耀所弑

在藩諸臣皆受英耀賄將以疾聞申夜踰垣出詣有司告變乃上聞督撫按之得實英耀伏誅獄竟挂冠歸不復仕從子道乾

道乾字子勉慷慨有俠士風嘉靖甲辰歲饑以私積散之人遠祖宣公墓在忠州為蜀府紀善謁而修之比歸更置義田贍族兩兄俱早喪撫其遺孤如己出時論稱之

徐梗桐鄉人居千金鄉家素饒好行其德嘉靖癸丑捐田一百五畝於學宮以給諸生之貧者其年歲饑

又出米千石賑濟知縣徐行可上其狀賜旌
沈文銳秀水人嘉靖中入貲為國子生年饑捐穀以
賑貧民又捐田百畝於府學及秀水學以濟貧生上
聞詔旌其義授光祿署正

嘉禾徵獻錄卷四十四

孝友

郡人盛楓丹山輯

男文焯校訂

殷原善

父從先兄原誠近仁

沈嗣昌

朱煦

父季用

周玘

秦涇

周允文

父相子鼎隆

張瑤

顧昌

章普音

顧薇

童暉

王紀善

永謨

母鄭

僕王成葉春華

呂元聲

殷原善號松雲道人秀水人父從先元至正初任統
軍元帥駐兵杭州為張士信所殺原善少孤貧與兄
原誠近仁讀書養母友愛無間近仁洪武初舉孝悌
知平遙縣獻所著莅政戒銘二十四篇上嘉之超擢
廣西叅政見王禕造邦勲賢錄尋與妻偕卒於官遺三男曰盤
曰輅曰璉又有一女皆幼原善遂不娶撫諸孤如己
出年四十原誠憐其苦使其友諷之娶原善泣曰我
兄嫂不幸早世使我娶而不賢諸孤何以存濟且娶

者為後耳諸孤在豈無為我後者終不娶撫教婚嫁
皆得其所鄉人稱為義士垂老授家計於諸子為野
服黃冠以終其身柯山沈繼宗為立傳程與隱集梁
郡人洪武中主宜良簿與隱為作樹護堂詩序名之
曰孝子其母節婦也惜查府志選舉中竟佚桓名列
女內并佚其母

沈嗣昌字壽康以字行更號原樵崇德人早喪母思
之未嘗不泣事父曲盡心力時南北騷動歲復大饑
父年老嗣昌每奉侍不以時事聞恐其不樂也為州
掾吏未幾父歿勺水不入口者三日杖而後起營墓

於豐山之南自葺茅茨廬墓者六年

彭比部焦同邑夏正字時寅性

孝友親歿廬墓事其兄宗如父鄉黨稱之

太祖既定東南行省薦其孝行

詔徵之不起同邑僉都程本立未遇時嗣昌奇其才

告以當志聖賢之學卒為忠臣嗣昌以洪武元年秋

卒於豐山又三年知府王文禮旌其廬曰孝隱正德

元年祀於學宮里人稱之曰孝隱先生

見朝野彙編及兩浙名賢

錄

朱煦本天台人父季用避方國珍亂僑寓嘉興洪武初以賢良薦累官福州知府煦其長子也性至孝母

楊待諸子嚴稍不如指咎擊不已煦事之甚恭洪武
中詔天下盡革今歲以上積歲官吏為民害者季用
任福州僅五月亦逮赴京師輸作為城旦日費錢數
十緡後季用病痢不能堪謂煦曰吾貲力豈能任此
旦夕死矣無不汝累汝第負吾骸骨歸葬煦遽遽不
敢頃刻離復戒二弟守視之時在役親屬告枉令甚
嚴告而成邊者三人抵極刑者四人煦曰吾不能脫
父於死訴不訴等死萬一緣訴而免亦無恨父僚友
同役者交阻之不聽乃自縛闕下具告枉狀上悲其

意赦季用復其官例復官者十四人皆詣季用拜謝
曰微君有孝子吾輩骨肉皆城下土矣已而煦感疾
死季用傷煦亦病死京邸人共悲之

明史稿有傳

周玘嘉善人景泰中兄坐累當戍五開衛玘時年十
七慨然請代父兄不許因自詣官求代有司亦難之
玘曰家貧役重非兄侍養莫慰親心請益力官不能
奪既之戍所頗以食力致富子孫皆克繼其業

分省人物

考載檀郁傳紀其孝行作桐鄉人但桐鄉無山而傳
中有營葬山麓事及閱安慶府志乃桐城人分省人
物考誤以鄉字易城字耳

兩浙名賢錄亦踵其訛

秦涇字汝清平湖人幼喪母哀毀不自勝服除設像
事之繼母虞涇事之益恭撫異母弟尤篤卒回母意
父卧病隣火及卧所扶舁不及涇但叩頭籲天風反
火滅父歿廬墓終喪知府鄭登高以聞未報而卒不
及旌

見兩浙
名賢錄

周允文字衍溪秀水人父相賈京師坐事逃匿山海
關外允文時方襁褓及長聞其顛末日夜號哭及母
喪葬畢與姊壻偕行訪父於京師不值流涕行乞哀
感路人傍一翁為指示出關展轉數十里一日遇其

父於塗姊壻識之曰此即阿翁也父子抱持痛哭相
已納婦生子允文力勸之歸邑養復數年允文子鼎
隆諸生

張瑤字朝貢嘉興人弘治甲子舉人其妻以疾不悅
於姑姑欲出之瑤心知其無罪令歸依母氏終身不
娶與兄同孝養內外無間言屢不第隱居杜門衣食
不給恬如也郡守徐盈高其誼屢造其門咨訪政事
卒徐為具禮葬之

顧昌嘉善人鑄工母陶年八十餘苦痢昌日禱真武

廟願以身代母病甚乃操刀入廟剗胸探其心將以療母久之不得乃割傍膜為羹以進母已數日不食聞羹香食之頓愈

章晉音

一作傳

嘉善人筆工父早世事母徐至孝母嘗

患心痛晉音即奉香路拜往普陀禱焉獲異兆比歸宿疾頓除已復患傷寒瀕危晉音剗股肉為羹以進未效一夕割胸肉和粥進之母食之愈當事以愚孝弗之旌也

彭比部集崇德甯冠亦剗股以療其母

顧薇字子方海鹽人叅議正之族子事父倫母季至

孝童時父母有小疾即憂形於色湯藥必嘗年十八
母李歿哀慟頓絕良久乃甦水漿不入口者三日夜
木像肖母事之出入必涕泣以告比隣火將延及薇
家薇伏棺痛哭風反火回得無恙繼母盛不善視薇
薇事之如李不少違卒化為慈母有司以聞詔旌其

門見兩浙
名賢錄

童暉字景文海鹽人母早世事父孝謹家酷貧父嗜
魚暉為諸生嘗以試事至郡偶見鮮鯉買之徒步數
十里歸奉其父乃復去父怒伏地受杖不敢起俟怒

解命之起乃起年近七十猶戀戀如嬰兒弘治中以

鄉貢遙授鎮江府經歷

兩所名賢錄嘗乏炊餽地得

膳

西園雜記暉子顏亦苦學嘗

走閩中講禮於劉子賢動循矩矱

王紀善嘉興人由掾吏授三原縣丞所司水利而三

原地高諸渠久湮乃設法疏濬遂稱沃壤署白水武

功三水三縣事乞休歸年八十餘卒於家子永謨

永謨字公榮事母鄭能曲承意指家頗饒萬厯末

盜利其財夜劫之衆皆奔避母鄭年老不能出走盜

執鄭將殺之永謨從門外突入橫卧鄭背曰寧殺我

無傷我母也鄭遂得脫盜所永謨右臂斷之數日死
其僕王成亦以救鄭死邑人哀之為請旌永謨無子
以弟芝封之于變為後

葉春華海寧衛軍卒操力作事其母母嗜飲食而性
暴怒不恒春華朝出暮必市酒肉歸供母稍弗愜令
別置又復百計賞而進之母叱之跪不命之起達旦
不敢起隣人或叩壁教之曰母斲矣何不暫起應曰
吾不敢欺我母跪自如或勸之娶曰力不任娶即娶
恐不克一心事母寧以鰥終也嘗供事總司軍府失

期被笞哭甚哀人問之曰吾明將刈薪以供母今創甚不能往故慟耳主帥聞而謝之遺之粟知縣何早旌其門兩浙名賢錄又有葉文榮海寧所軍餘性勇其母鍾愛之飲泣不食文榮恐母成疾奮然辭母而請代遂詣官自暴其毆殺之由釋弟歸文榮竟坐法臨刑笑曰吾以一死而全母與弟所得孰多

呂元聲字無聲晚號惕齋嘉善人父被誣謫戍閩中獨與母居以孝聞家被火母又老疾衣食或不給乃棄諸生賣藥於市雖貧然樂急人之難有故人子無聊以所居宅與之年八十餘卒同邑尚書徐石麒為

之傳兩浙名賢錄鄒吳嘉善人母年七十因夫昶故
水砥之俄而母兩目中各重生一瞳復明如故天戴
華字君實嘉興人兄天獨身與父母居弱冠不娶曰
吾民也汲爨不可自任柰何以井臼故舍二親與兒女
處久之父病不能辦饘粥藥餌費所以拮据者甚力
父不起華痛哭垂絕者數日又十餘日母病亦竟不
起先是華晝夜哭甚哀是日忽聞然無聲戶竟日不
啟隣父老排闥入視其母已死華伏母旁面覆著牀
上候其息甚微似已絕者急灌湯藥稍蘇乃張目謝
隣父老曰母死華不獨生何以煩公等父老責以大
義不得已勉進米一甬既免喪相與求里中賢女配
之有二子其事華亦
如華之事父母云

嘉禾徵獻錄卷四十五

儒林

郡人盛楓丹山輯

男支焯校訂

陸贊

周寅

沈槩

董澐

始祖健潮鎮兄源從子載載子鯤從孫隆啟

穀

呂元善

兄元美

兆祥

兆禧

沈燭

弟昭子士立

徐文和

胡其久

子明遠

顧文亨

子宗璋

張履祥

兄履禎

朱天麒

娶譚

俞汝言

錢士馨

陸贄字順德海鹽人性好文學博集羣書為文章以多能見稱凡縉紳道出是土者必問其名行已嚴毅晚益自持以世俗湮於佛老憚禮文之難著居喪

撮要一書以訓世平生文字思緩筆精無急就之作

年八十三卒鄉人誄之曰貞一先生

見兩浙名賢錄

周寅字汝欽嘉善人安貧守義著小學集註四書音

考

見經義考

沈槩字一之號平齋嘉善人居憂蔬食三年卧起不

離喪次因考定四禮垂為家法多折衷朱子尤嚴於
喪祭一時稱其好古以貢入京師年已七十餘例不
得拜官遙授江西布政司都事所著有詩經漫語四

書贅言考經刊誤鄉約釋義攝生要義及詩文稿十

卷

兩所名賢錄稱其年十二就試省闈盛氣闊步縱

銳

晚卒業於五清劉先生瑞德義漸涵日與之化生

平

口不非俗而行亦不染俗著布菜翁傳以見志焯

按

平齋與許黃門相卿同師張東溟往來最密其卒

也

誌其墓稱居池灣樂善好義女適陸胥峯杲莊簡

弟

兄皆

沈出也

董灝字復宗

一字濤

號蘿石翁海鹽蘿石戍卒也其先

汴人始祖健扈從南渡家於越孫潮遷澈浦潮六世
孫鎮字仲貞通經術有用世之志元亂遷海寧之泉
山在戍者死澣兄源當勾補澣請代之遂復家澈浦
澣工詩一時詩人如沈周孫一元鄭善夫輩皆與往
來賡唱遇佳晨輒蕩舟江湖吟嘯忘歸凡所欲之衝
風雪穿虎豹窟宅亦孤往不顧吳越好事家往往懸
榻候之因自為五館記平居尚義兄貧粥產以給海
寧衛指揮某貧不能赴京襲職竭所有速其行所知
鄔魯者以田易直易畢魯疾革出券焚焉卒復經紀

其葬不謂己貧也見後生工詞章砥礪名行者亟稱
賞之晚聞王守仁講學於越徒步往見數日乞為弟
子時年已六十有八矣陽明年譜薩石以能詩游江
生講學杖肩瓢笠詩卷來訪入門長揖上坐先生異
其氣貌敬之與語連日夜有悟因何秦請納拜先生
不許歸與其妻織一嫌為贅復因秦來強先生舊游
與之徜徉山水間日益有聞忻然樂而忘歸也舊游
皆笑之澹曰從吾所好而已遂更號從吾道人靜志
話陽明序其事云道人往來湖山之間去住蕭然曾
不知有家室其子穀賢而孝謂道人老矣出輒長跪
請留道人笑曰爾之愛我也以姑息吾方友天下善
士以與古聖賢為徒天地且逆旅奚必一畝之宮而
後為吾舍也耶年七十七偶病口占一詩而瞑明史稿附見
王守仁傳

澐從子載荆府教授載子鯤以海寧籍中嘉靖壬子
舉人癸丑進士歷南山西河南二道御史終湖廣副
使澐從孫隆肇慶府訓導隆子啟著春秋補傳十二
卷見經義考澐子穀

穀字碩甫號兩湖亦能詩正德丙子舉人知安義

縣以才調漢陽

列朝詩集作漢陽太守非

罷歸著書自得有漱浦

志碧里四存

經義考疑存二卷皆說四書

秦龍子集

一名董兩湖集穀嘗

乏食採湖濱白蘋療飢或終日斷炊而呶唔如故

經義

考董氏穀國風辨一篇存王文祿曰董子碩甫居漱水漱有碧里山故又稱碧里山樵

呂元善字季可海鹽人與兄元美孿生善入太學授
山東布政司理問博求故實修山東通志又考先聖
賢遺事自四氏七十二子漢唐宋諸儒宗系祠祀林
墓無不詳會歲饑委賑以勞卒元美亦太學生官布
政司經歷元善之卒也元美哭曰豈有同生而不同
死者乎哭三月而卒子兆祥兆禧

兆祥字聖符諸生亦工考證著東野志四卷述周
公之後宗聖志十二卷述曾子之後俱行於世

兆禧字錫侯少與同邑姚士舜游以訂正古文疑

義為事年十六為諸生旋卒著呂氏筆記如論關朗
易始屯而終既濟孔安國註尚書六宗用孔叢子詩
渭陽引左傳賦鳩飛證穆姬之卒高誘註呂覽琬琰
不知竹書故是二人於呂氏筆記呂氏春秋曰桀迷惑
當作婉婉順阿意之人或作琬琰美玉也紀年曰癸
命扁伐山民山民女於桀二人曰琬曰琰後愛二女
無子刻其名荅華之淮南子定為許慎所著梁昭明
上則琬琰固兩人也悼王規一令考是為簡文帝作黃香天子冠頌補完
於通典陸賈新語識辨惑慎微之顛倒而後能讀皆
發前人所未剖

沈煥字世明號伯遠嘉善人嘉靖乙酉舉於鄉絕迹不入公府亦不事家人業再上公車有遺以道路費者悉謝弗受家居動遵古禮日闔戶手一編尹唔不輟與弟炤相友善著石脞稿行世子士立諸生亦能詩

徐文和字兩山嘉興人嘉靖丁酉應天舉人任揚州管馬通判為人樸茂不喜逢迎論罷歸躬督耘耨且研窮理學臨死語其子曰我死皇極經世之學不傳矣乃親操算子與諸子講解講畢而逝

湖詩稿

弘正間有名春者字孟時亦嘉興人為南昌府通判能詩餘失考

胡其久字懋敬號龍賓崇德人隆慶丁卯舉人邑故有宋輔慶源廣傳貽書院久廢其久請於有司復之講學其中著宋輔錄子明遠字九玄天啟辛酉舉人顧文亨字石父本吳江人為郡學諸生嗜學讀邵子皇極經世以其當自聲音入於是講求音韻夜夢邵子語曰全書在杭未幾游杭得祝泌皇極經世鈴一作鈴輟耕錄傳初菴先生立以占筮起東南乃番陽祝泌甥泌精皇極數經義考泌字涇甫自稱觀物者而皇極以聲起卦以卦合數之法發明無餘蘊人

乃盡得其術著經世參經世聲音臆解經世總圖春秋類記甲乙帳易鑑洪範疇解星江雜著諸史石言等書凡數百卷國破棄諸生隱於秀水郭陵村卒年七十四子宗瑋字連叔亦能文究圖緯之學著左氏事類年表春秋通例稽疑參同提要發明諸書先文亨卒

張履祥字考夫桐鄉人游都御史劉宗周之門操行方正不為詭隨弱冠將入試筮之得蠱之上九時方承平志在進取不以為然為諸生數年而國破遂棄

舉子業兄履禎感其意亦杜門不出教弟子以居敬窮理為要語必程朱終日正衣冠危坐無倦容一時從游者甚衆晚歲躬耕自給人罕見其面歿後數十年全集始梓行其中近古見聞備忘諸錄皆闡明正學維持世風不遺餘力未附農書則謂讀書而欲治生惟農為本務可世守也

朱天麒字蘊思崇德人諸生以理學自命國破不出垂髮如頭陀友人倪某字子由亦以諸生隱早卒無子天麒極貧力為謀葬晚益窮悴以死娶於朱以同

姓嫌出之又娶於譚亦以非意出遂無子天麒死譚苦節終身

俞汝言字右吉嘉興人諸生著名復社國破棄去游蹟徧海內搜羅載籍撰述甚多晚歲失明猶令人口誦訂其訛謬著大滌山房集先儒語要崇禎大臣年表卿貳表冠變畧等數十種又著春秋平義十二卷

見經義考

錢士馨

一名

字稚拙平湖人為諸生下帷甚苦徧究

經史無不通諸儒言周禮者多謂冬官不亡散見於

五官故臨川俞廷椿以下皆以意取五官之屬補冬
官士馨獨據尚書大小戴記春秋內外傳以補之晚
歲貢入燕遇變歸著甲申傳信錄十卷有賡茹集續
越絕書二卷春秋志禮八卷見經義考

嘉禾徵獻錄卷四十六 文苑

郡人盛楓丹山輯 男支焯校訂

楊維禎 父宏 白

張翼 黃玠 曾祖震 父正孫 珽

陸德方 源

陳秀民 子雷 景融 鼎 女賽金 族孫夢鸞 女嘉平李蕃張安沈樾 趙廷平陸琦陳昌勝

莫藏 弟遜 劉杰

史鑑 高祖居仁 曾祖仲彬 祖晟 孫臣 鄒衡

懷悅 朱翰 周瑾 徐晟

吳孺子

姚士舜

陳懋仁

蓋謨

戴涇

宋鳳翔

陳邦俊

子詩教

朱顏復

父國望
弟曾省
張銘

褚廷琯

陸上瀾

父又機

趙桓

孫淳

吳宗潛

宗漢宗汝姪

潘樞章

曾祖志分
妻沈弟素

錢應金

卜舜年

沈受祺

楊維禎字廉夫本山陰人少穎悟父宏築萬卷樓於鐵崖山中使讀書樓上去梯輓轡傳食積五年貫穿經史百氏因號鐵崖泰定丁卯進士為天台尹黠吏執官長短先啖以利然後陰持之維禎廉得其主名置之法卒為中傷免官久之改錢清場鹽司令時鹽賦病民力請於朝得減引額三千丁憂歸至正初修遼金宋三史成正統迄無定論維禎作正統辨千餘言謂元之大一統在平宋不在平遼金統宜接宋不當接遼歐陽玄讀之嘆曰百年後公論定於此矣尋

提舉杭州四務四務為江南劇曹維禎日夜爬梳塵
土滿襟自如也轉福建路總管府推官遷江西儒學
提舉道梗不行避地富春山徙錢唐張士誠招之不
往報以書曰閣下乘亂起兵獎王室淮吳之人萬口
一辭以閣下所為有不可及者四兵不嗜殺一也聞
善言則拜二也儉於自奉三也厚給吏祿奸貪必誅
四也此東南豪傑望閣下之足與有為也雖然為閣
下將帥者有生之心無死之志矣為閣下守令者有
奉上之道無恤下之政矣為閣下宗族姻黨者無制

祿之法有奸位之權矣假佞以為忠託詐以為直飾貪虐以為廉最可畏者勤民力以搖邦本用吏術以括田租銓放私人不承制出納國廩不上輸受降人而不疑任忠臣而復貳六者有一足以喪邦閣下不可不省也夫當可為之時有可乘之勢迄無成效其故何歟為閣下計者少而自謀者多也維楨老且病爵祿不以干閣下幸采其言小可以為錢鏐大可以為晉重耳齊小白否則身犯六畏不有內變必有外禍始憶維楨言嗚呼晚矣士誠得書不能用亦不罪

也繼忤丞相達識帖睦爾乃客寓嘉興館於濮氏靜
居詩話當元之季浙西歲有詩社而濮市濮仲溫豐
於貲集一時名士為聚桂文會以卷赴者五百人請
楊廉夫評其優劣於是紀風土者目為樂郊及楊完
者亂州無完郭然繆同知思恭德謙猶招羣彥集南
湖與會分韻者一十有四人越二年曹教授審斯民
復集諸公於景德寺亦一十有四人其時聞人麟彥
昭葉廣居居仲金綱子尚潘著澤民劉堪子輿咸有
詩名吳鎮仲圭居魏塘貝瓊廷珩居千金圩鮑恂仲
孚居郡城之西溪郁遵子路居商陳村四方避地者
溫州陳秀民庶子居竹隣巷閩人卓成大器之居覺
川江陰孫作大雅居南湖崑山顧德輝阿瑛居合溪
天台徐一夔大章居白苕里會稽江漢朝宗居濮院
桐廬姚桐壽樂年居海鹽之我溪而河南高遜志士
敏東平牛諒士良江都邱民克莊錢唐陳世昌彥博
建德張翬翔南皆來僑居四明周棐以陸宣公書院
山長居梨林日以文酒唱酬詩成輒鏤版鏡壁聞者

傳為往來九峯三泖間姚祠壽樂郊私語楊廉夫寓
勝事壬寅冬楊從三泖來宿余齋頭適就李貝廷臣以
書幣為蕭山令尹本中乞吳越兩山亭志并選諸詞
人題詠於時尹已移官嘉禾矣楊即為命筆稿將就
夜已過半余方從別室候之俄門外有剝啄聲啟扉
視之則皆嘉禾能詩者也余從壁間窺之率人執
金繒乞楊留選其詩楊曰生平於三尺法亦有時以
情少借若詩文則心欲借眼眼不從心未嘗敢欺當
世之士遠筆批選止取鮑參張翼顧文煒金絢四
首楊謂諸人曰四詩猶為彼善於此諸什尚須更託
胎耳然被選者無一人在諸人相目驚駭蕭山令尹
本中一作蕭獲斷劍鍊為笛冠鐵葉冠衣兔褐吹之
山尹楊本中獲斷劍鍊為笛冠鐵葉冠衣兔褐吹之
作迴波引遂號鐵笛老人或自呼老鐵亦曰抱遺老
人又曰東維子其為詩界元自喜不蹈襲前人洪武

己酉編纂禮樂書別徵儒士修元史遣翰林院侍讀
學士詹同奉幣詣其門召之辭不赴明年有詔敦促

賜安車詣闕留四月禮書條目畢史統亦定遂乞骸

骨許之仍給安車還

明史稿傳史館曹監之士祖帳西門外宋濂贈之詩曰不受君

王五色詔白衣宣至

抵家卒年七十六大政記洪武

子處士楊維禎

卒一日癸丑自撰歸全堂記謂門弟子曰知我者

無如宋景濂屬之以墓銘焉著春秋大意左氏君子

議史鉞麗則遺音全集若干卷

湧幢小品張司令元時人亡其名富而好

禮慕楊鐵崖名往迎之鐵崖謂其不知書弗應司令乃延鮑恂為師受業焉後迎鐵崖乃往席間以妓奉

酒妓名芙蓉酒名金盤露鐵崖戲云芙蓉掌上金盤
 露妓印應聲曰楊柳枝頭鐵崖風鐵崖撫掌笑曰妓
 能文其主可知矣辭去時司令出米滿載送之云充
 鵲糧鐵崖素愛鵲不能却隨訪顧阿瑛召其隣人之
 貧者分給之而去陶勲漁村儒林詩話元司令張
 震發我高祖考愚懶翁母族也當時豪富甲於郡國
 與沈萬三漢樂閒相友善故楊鐵崖鮑仲孚諸文人
 才士往往還其家有日涉園水花園芝溪八景詩文題
 詠甚多燕飲詩有主人勸我終日酒不管山翁醉似
 泥又有盤盈白雪水晶鹽之句今皆不可考矣震發
 雖好禮然徒知財之為禍而不知不能以義散施為張士
 誠所劫卒以敗亡國朝混一之時鐵崖復尋舊盟於芝
 溪之上則無復昔時之盛但見斷橋衰柳滿目蕭然
 作詩云不到芝溪二十年故人故宅兩茫然壽生寺
 在空遺址日涉園荒又作田玉輒牙籤更主者歌童
 舞女屬誰邊滿前多少傷心事碎攪楊花雪滿天
 白珽一名字廷玉本錢唐人冒母族為白氏元末寓

卷四六

五

嘉興好學善書一生以著述為事詩文不務雕刻奇
碎有塵外之致劉辰翁稱其詩逼陶韋書逼顏柳以
薦授常州路儒學教授累遷江浙儒學副提舉歸老
於家入明不仕卒郡人尊之曰湛園先生所撰詩二
十卷文二十卷共名曰湛園集又有經子類訓集翠
裘靜話各二十卷宋濂為之編次陶宗儀書史彙要
云挺德望清重非專以文章名世者挺家多竹忽一
竿兩歧人皆異之為賦雙竹杖詩未幾挺歿蓋物妖
也

見無名氏
廣客談

挺至孝母嘗患奇病剗股和藥進之遂

愈見續文獻通考

張翼一作翼

字翔南本睦州建德人遭亂徙居嘉興篤

學好古博極羣書元至正乙巳舉於鄉以薦授甬東書院山長不赴洪武初徵入修禮書事竣以老不拜官賜白金歸卒於家明史張翼卒所著有梓宇集翼家在西郭宣公祠側以所居庭前有巨梓高十丈故名梁寅為之記翼文章好為奇澁語而切於理亦號能書

黃玠字伯成本慈谿人父正孫字長儒宋宗正少卿

震之孫不欲仕元客授魏塘鎮家焉玠與趙孟頫善
用薦為西湖書院山長數月歸元末兵亂愛吳興山
水之勝乃卜築弁山為精舍往來其間正孫年八十
八卒葬弁山之陽黃潛志其墓玠詩文甚富有弁山
小隱吟燬於兵燹其存者曰知非舊稿蓋晚年作也
里人戴光遠建義塾於白牛涇禮聘為塾師生徒常
數百人因卒於鎮

陸德方字顯叔本華亭人元至正壬午舉於鄉授般
陽路學正羣盜起挂冠歸寓海鹽貧不自存時平章

沈炤河南人亦寓海鹽德方徒步傭書於炤家炤與
談經史時事大驚曰為人傭安所得此美才窮詰之
始言其故遂以女妻之洪武初以文學徵不赴卒於
海鹽之梅園有孫曰源

源失其字能文世其家學以力田致萬金成化壬
辰邑大饑詔募富民出粟源發賑獨多賜冠帶為義
民仍令有司歲給粟帛以旌其賢年九十餘卒源族
孫夢鸞諸生亦能文源女名賽金適同邑王佐生子
曰文祿其所著龍興慈記蓋述其母氏之說也

陳秀民字庶子號棲老本永嘉人博學善書有詩名
元至正中為武岡州城步巡檢遷知常熟州張士誠
據江南辟為叅軍及拒朝命拜江浙行中書省叅知
政事兼翰林學士士誠敗流寓嘉興居竹隣巷之藉
架橋洪武末卒著寄情亭一作稿子雷字公聲能詩有
父風官山西布政司經歷有竊菴集次子景融字菊
逸景融子顥顥子濟濟子鼎亦皆能詩

周鼎字伯器號苹川嘉善人博極經史往來吳下為
弟子師焦竑作傳云先生生五六年客有舉其名戲
曰周鑄九鼎則應聲曰舜彈五絃浙江柯察

使屈先生為子弟師乃置名承差籍以避嫌先生固辭竟不許滿考上名吏部以正統中大征
閔冠鄧茂七刑部尚書沭陽伯金濂叅贊寧陽侯陳
懋保定伯梁瑤平江伯陳豫等軍務葉盛水東日記
始於洪熙初年以武臣疎於文墨任方參贊軍務等名
面官於各總兵處整理文書商確機務辟置幕下焦
先生上吏部時沭陽榮襄伯金濂尚書刑部初設奏
議科辟先生從事其中且使二子師之例止得驛丞
先生固不樂乃謝病歸及濂叅贊軍務聘先生賓幕
下按此則世傳濂至蘇州鼎以儒衣冠迎謁道左自
請從軍嘗與千戶龔遂奇從數騎入尤溪山寨降其
衆而還湧幢小品儒士周鑄與千戶龔遂奇入深山
奇恐欲起去周不為動徐呼老人家或言亦賊也遂
家叩頭謝亡有且設草具周食竟徐起就馬抵巢穴

盡降其衆而還是日遂奇食已不能正匕箸道謝曰
某生長行伍身經戰者亡慮十數常自謂天下健兒
今為儒者服矣按冠平遇土木之難格其賞濂又與
鑄字與焦傳同誤冠平遇土木之難格其賞濂又與
僉都張楷不協云亂離何處覓屠蘇濁酒三盃也勝
無又云除夜不須燒爆竹四山不盡上其勞績久之
烽火照人紅為言者所劾而罷
止授沭陽典史忤上官下獄事白歸史王竑董潛事
而巡鹽兩淮御史練綱與竑不相下淮安知府邱陵
為竑所厚綱每以吏事責陵輒舉先生為况陵以烈
於竑景泰四年先生以潛行道中竑令人錄先生行
索得白金三數錢文致為民先生度不可辦誣服天
順更化事白復官按莊毅督潛時清河衛指揮單姓
者行不檢公嘗折之公遭讒免官歸過清河指揮
使抵候江許具餼致殷勤公嘉其誠款擇受數岳以
為鹽醬也發用則皆真機蓋藉以舒夙恨云乃公抵

徐州有旨還公官指揮乃詐死家人為發喪治殯有
警之者蹤蹟其所在執而訟之公公竟平其訟而遣
之事載維風編則公之不以三數錢白以老壽終著
金而黜一縣尉也明矣傳言恐不足據以老壽終著
土苴集十卷濂師之次杭州四明章文仲來謁曰聞
幕下周鼎有奇才願與之角乃出南征百韻詩朗誦
一過各書一通上之不遺一字鼎曰能從末句倒誦
至前乎章謝曰不能矣王錡寓園雜記正統十三年
領兵殺賊失機金尚書濂與邵為同年邵思謁金求
救方入而都統太監曹吉祥忽來索邵竄入屋後時
嘉興周先生鼎在幕中曰公殺氣盡矣因匿牀下曹
不獲而去邵得免死蓋軍中之令凡違節制者遇之
即殺稍緩罷官後遨遊三吳賣文為活吳中墓誌譜
即不問矣

牒皆出其手造請填咽年近九十修杭州志燈下書
蠅頭字界畫烏闌信手與目不折紙為範毫髮不爽
築室曰荷鋤軒曰疑舫卒葬永安鄉及門知名者吳
江史鑑用柳文例誌其墓曰桐村繭室記靜志居詩話桐村開
濟之畧戎幕宣勞顧一尉白頭又遭薨苙之謗哀哉
斯人實命不猶同時杜牧庠貽詩云功名已覺邯
鄲夢衰老猶耕谷口田汪縣令貴詩云白首九旬還
向學黃梁一夢總成虛呂太常憲詩云斯文籍籍歸
輿論何物區區總抱關沈處士周詩云山縣軍書前
吏迹墓堂文字老生涯吳江史處士鑑詩云行誼故
絕人文章復名世碑版照南州煌煌自無替集中詩
題有未死作云在塗嗟未歸行橐日已貧正如風中
絮未肯沒車塵朝雁云何地不虞鼎為文未嘗起草
網此身非故鄉誦之使人心惻

頃刻數千言遠近求者甚衆妍媸雜出亦隨其所
遇不能一律也楊循吉蘇談周伯器往來吳中平生
非堂記則墓銘耳甚至有慶壽哀輓之作亦縱橫其
間然伯器之才特長於此一日作數篇不竭及既死
所遺論著無一篇識者鼎孫女曰嘉平字同邑諸生
惜其有才而錯用之也莫佐年十六而寡無子苦節六十餘年○同時有李
蕃字文盛桐鄉人天順末鄉貢官平樂府照磨能詩
靜志居詩話周青士云貧先世居千金圩在父山之
麓清江貝先生避地之所先生子翔翔皆有才名
村民慕之多讀書自好天順中有李照磨蕃善詩鄉
里至今傳桐花開到邑侯門之句餘若沈韶州榮希
仁范貢士庸彥常陳吏目紀彥綱仲貢士剛叔堅董
教諭序大倫皆圩產也當日諸君豈乏著作惜乎泯

然無又張彝字天常海鹽人天順中以貢授晉州判
官亦能詩沈樾字元茂平湖人天順間布衣有樛菴
集趙廷玉字芝岩崇德人以入粟補官有芝岩集陸
琦字公璐嘉興人有友蘭集陳昌字潁昌平湖人有
菊莊集靜志居詩話沈客子云我郡自清江吳隱後
風雅衰落四陳三李之餘無聞焉至正統天
順間而始盛一時如陳菊莊外嘉興有姚穀菴海鹽
有張方州嘉善有周桐村皆卓然成家菊莊吾里先
詰才思藻麗長於七
言惜乎其集不傳滕鸞字朝儀海鹽人有翠崖集
俱見明詩綜

莫藏字用行一字恒海鹽人工詩文書法旁及篆隸鐫

刻印章繪畫人物山水無不工性至孝母卧病父又患疽瀕死皆割股以療之所著有佩觿稿詠史詩素軒稿五音字書辨訛今失傳弟遜字用嘉亦能詩友愛甚篤藏文章爾雅為同邑張寧所重萬厯初盜發沈盛之墓其誌銘為藏所撰盛宣德中鄉貢任邱訓導

劉杰字季俊海鹽人讀書過目成誦棄舉子業專意學古通律呂書數長於詩文成化改元徵修英宗實錄竣事歸晚年著作益富學益該贍

兩浙名賢錄有傳

史鑑字明古號西村其先嘉興人高祖居仁贅吳江
黃氏遂為吳江人曾祖仲彬少任俠喜事洪武中邑
有豪滑者犯法仲彬與數少年縛之詣闕下得旨論
死特賜宴鈔令馳驛歸宣德中以高賢為稅長督糧
運有能名詔除戶絕田他稅長莫敢報仲彬獨曰天
子德意吾儕詎可懼禍殃民衆從之得減稅額以事
屢為讐家所訐瘐死獄中焯按致身錄載建文初元
監察御史劉有年上儀禮
十八篇為彬家所藏以明經薦召試四書題授翰林
侍書遣祭告南嶽還徐王賓輔燕事起累有建白金
川門之破建文自鬼門出匿彬家者月餘後建文亦
屢至其家其書自萬厯中始出焦弱侯序謂得之道

書中南科臣歐陽調律上之朝牧齋錢氏以墓表暨錄參考之斷其必無者十弘光時議褒贈遜國諸臣彬亦在列科臣李清復摘其四誣駁正之此書遂斥不行康熙己未庚申間排纂明史氏子孫增損前書行世稼堂潘氏復摘其入仕始末乖謬者四新刻之尤誕妄者三數公皆長於史學所辨鑿鑿可據雖革除之際語多忌諱而明古為姚善周自修王觀立傳載西村集中大書特書一無避忌何獨於己祖而沒其實乎至牧齋所見之錄尚無易名忠獻出自建文帝之說而後刻復增入之其為紕繆難信益可見矣

祖晟字原弼號溪隱亦為稅長鑑博雅通古今喜議論為文雄辨有體詩亦俊朗可誦與吏部侍郎吳

寬內閣王鏊布衣沈周為文字交憲孝二廟時累徵

不就見古錄著西村集八卷靜志居詩話西村才名亞

古似勝沈一籌其述曾祖仲梯行狀止云
推擇為稅長先民質實不誣其祖若是
孫臣字南湖以吳江籍中正德丁卯應天舉人嘉靖癸未進士
歷官雲南叅議

鄒衡字汝平號東邱嘉興人諸生郡在宋初為秀州
尚未有志政和丁酉改為嘉禾郡淳熙甲午郡守張
元成始延聞人伯紀作志岳珂守郡命闕拭重修未
成至元中郡博士徐碩乃復為嘉禾志猶尚簡質時
改郡為嘉興路領松江一府屬縣惟嘉興海鹽崇德
而已至弘治改元修憲廟實錄浙藩檄輯郡邑志稿

上之史館衡亦在列弘治中知府柳玟復命生員曾春平湖教諭林先修府志既成衡嫌其缺畧作嘉興府志補與柳志並傳衡家在府治西北乘驄坊東庭有井盛旱不涸因為綠香井泉記繪圖亦文人之好事者其所撰志補亦多可采特其載唐宣宗像於卷首承水西二字之訛誌泥馬之渡康王承白馬之訛不足深信

懷悅字用和晚號鐵松居士嘉興人家相湖之南豪富而有名文構園曰柳莊因自號柳溪小隱別有東

莊曰釣魚所曰觀蓮亭曰清風榻曰白雪窩曰載春
舫曰耕雲堂曰栽桑圃曰採菱灘延諸風雅之士賦
詩其間嘗輯江左一時之詩為士林詩選中有二蘇
劉溥沈愚王淮詩大率景泰十才子派而邱吉二唐
二李陳顥姚綸皆與焉其所朝夕唱和者也其中格
調與湖海耆英相類列朝詩集用和詩亦晚以貢官
通判靜志居詩話用和輯士林詩黃徵君俞邵言有
詩家大率吳越之產其居在相湖之南姚允言詩云
風流絕勝輞川莊又云而衣自織青蒲葉煙艇長維
綠柳根蘇東衡詩云簾卷夕陽吟對酒窗臨流水坐
看鷗鷺昏題其草堂作也別有東莊邱大祐賦八景詩

贈焉又有北花園姚廷輔有懷氏北花園宴集詩復
有水亭名雪艇大祐詩醉倚闌干俯春水是也有齋
名鐵松岑公琬詩移得徂徠一蓋青是也有軒名月
波陳漢昭詩湖上華軒暇碧瀾是也其自題鐵松齋
詩云青衣開尊傾翠濤詩成落紙飛霜毫園亭詩酒
之會極一時之盛而允言送用和納粟之京作又有
冠蓋從容新帝澤之句則知當日以納粟入官蓋富
而好事者漢樂間之流也今則相湖在望葭茨微茫
舊迹不可復問矣楊公繼宗清政錄郡民懷悅用
和家富而多善行公每保全之既滿任去悅子生員
沐送至蘇州公諭之曰財者累也我去汝家亦自此
多事矣汝當策勵以持門戶既出百金為贐公笑而
却之厥後果有以軍事
誣悅者家道以此不振○同時有朱翰字漢翔號石

田嘉善人隱居教授嘗哀同郡人詩為檇李英華一

卷翰所著有石田清嘯集一卷靜志居詩話漢翔詩

子然留心風雅，斬郡中人詩為稿。李英華，鄉黨典型，藉以不墜其功，固不可泯也。翰門弟子多文人，有周瑾者，字汝成，秀水人，尤號能詩，惜其集

罕傳

徐晟，字公允，海鹽人，博學與同邑朱祚齊名。參政王衡，山西人，聞其名，延之質漢書數事，皆畢其義，因稱徐

漢書引為上客。然晟實未嘗專治漢書也。嘗謂其門人王文祿曰：「聖人之教達於中國，釋氏之教偏於四夷，子欲居九夷，殆欲化夷也。」人以為知言。所著有左氏摘事、燕石存稿。兩浙名賢錄有傳

吳孺子字少君號玄鐵蘭谿人四友齋叢說少君父名一源歲貢生從學於章楓山能詩性孤僻不與俗諧喪妻不復娶游吳下率止蕭寺中好採壽藤癭株曲歌為几杖盤盂尊罍帝洗之屬手自摩挲令光澤可鑑列左右以為玩樂客稍諦視輒止之曰毋令為俗塵所觸王世貞作破瓢歌贈之孺子為詩好苦吟得句輒叫跳自喜少年輩在旁談詩稍不愜即呵罵求附風雅者痛恨之晚歲託黃冠寓海鹽太學生錢齋家臘月邑人皆祀竈孺子攜一銅鑪為置酒菜手摩而祝之曰銅竈銅竈聽

吾祭告雖煮薇蕨但燒枯篠有粟必義酌水亦笑保
其潔清供此衰耄邑人傳誦以為美談後竟死於海
鹽見古錄有吳少君集六卷紫桃軒又綴郁伯承喜結
几摩樹根壚笑曰余真
富黔婁伯承貧孟嘗也

姚士舜字祥叔海鹽人年二十未知書以寫照自給
亦時作畫偶往德清教諭姜孩日奇之教以章句之
學其夜夢開府於秦方與兵交而調河南內地快
快而寤自負以為當大貴讀書三年學成同郡右都
御史沈思考出撫陝西召舜入幕府徧歷九邊沙磧

恍然夢中之境及思考被讒調撫河南葬浩嘆曰我
生平落魄矣遂不復求仕胡應麟甲乙剩言紫陽魏
當朔方變起時賊誘鹵深入我師多挫衄魏往掩
敗為功會題沈多不與魏益恨之時沈軍固原值鹵
過雲州而南魏令烽炮毋達固原鹵遂猝至圍沈數
日而去中丞客姚士舜詩有豈有勝兵雄九地不傳
烽火到孤城與華亭陳繼儒侯官曹學佺同里胡震
亨以奧博相尚蒐討秦漢以來遺文秘簡撰秘冊彙
函跋尾一一考據具有原委例補國子生馮夢禎為
南祭酒較刻二十一史屬士舜校定年九十餘卒有
蒙吉堂詩集四卷見只編後梁春秋北魏春秋海鹽

圖經等書

陳懋仁字无功秀水人少為邑吏以暇讀書遂無所不通太僕李日華引為上客滿考授泉州府經歷泉多紳士初至輕之比接席論述娓娓不能難自是爭折節下之懋仁在官輯泉南雜志一卷記泉逸事多故牒所未備生平游歷足蹟徧海內晚歸著述有年號韻編等書凡二十餘種其最見稱於時者註任昉文章緣起又以其畧而未備更搜得六十五則編為續文章緣起其詩之類曰二言八言三言四言七言

百一操暢支繇曲行吟怨思讀謠詠歎弄鹽藥唱諺
別調倡雜言盤中相承迴文反覆建除四詩集句聯
句名詩絕句律和不用韻題用古大小言詠史文之
類曰制敕麻章畧牒狀述斷辦法典引說難詛文對
事客難賓戲答訊釋誨尺牘諸體同郡姚士粦曰无
功該洽既註之而又補其未備此彥升自餘此六十
五則以付後人後人不敢受而付之無功无功答焉
受之可謂得數百年人所不敢受之製作遽自千秋
耳粦謂若急就章兩頭纖纖五噫十千十二支歇後

及命兕質劑券契千文木夾伶仃過亦所當補八者
京山李維楨曰予周覽天下五十餘年僅得樵李陳
无功云子蓋謨

蓋謨字獻可號礪菴晚又號澄真子年少補諸生
甲申後棄去專精音韻象數之學年九十餘猶篤好
不倦手製渾儀分宮圖說曰今言天者既屏宣夜周
髀歸之渾天渾天可儀不可圖也然儀渾天者究亦
不可以得天何也置經緯七政大球外又立身大球
外俯焉而視之也昔人為圖倚蓋無論麗南極者宜

斂反濶圖大則益失天後人因變為赤道南北二圖
或又變為黃道南北二圖圖雖極大亦不失度然分
天為兩倚蓋星之南北聯者南北隔矣又割圖為十
二橫圖式如梭子或又為二十八片二者俱待後人
製球之用無論為球不易球圓紙平定然難合即合
矣亦是立身天外俯視經緯七政也至於立黃極為
名分黃道南北二圖尤非通論歲差六十六年有奇
退一度黃極亦且隨遷尚得稱之為極乎茲創為渾
儀分宮圖赤道北宜穹覆而此合而平赤道南宜仰

載而此平而分若未合天矣然已仰可觀俯可察置身天地之中審其流行時刻中星可按也徐宗伯先啟正歷并刊海外諸星昔人有海中星占亦不可廢附之成全圖擴之尋丈斂之徑尺按度而求無不肖焉外周三百六十度以便製器內周赤道定度以便保章或曰南極一耳今分為十二宮無乃裂天體乎曰北極一也十二宮從此出三百六十五度二十五分從此分南之一一合北蓋可知也且未言其他也天體縱橫一千三百三十四萬零七百五十六度二

十五分有一不根極者乎則是星星太一極物物一太極也何疑於十二宮之分歟且天體漸盈而左黃道漸縮而右赤道之分宮定而二萬餘年黃道大週亦約畧可定分宮之闕於遠且大蓋如此然則赤道分宮萬古不移黃道分宮豈容刊線曰黃道刊線便今後數十年可憑後人知歲差自能推改也總之求天者貴製精器考驗是圖聊便初學仰觀從此漸造精微胸中全具渾象參天之道向進有階則是尺楮者其足以盡大圓之寥廓七政之錯綜也其可哉又

著有象林二卷載明史藝文志度測三卷自序周九章參伍錯
勾股尤奇奧其法肇見周髀周公受之商高以度天
地推日月且曰禹之所以治天下者此數之所生也
唐設算學博士督課試舉而周髀算有程國初制科
尚試算數後寢厭薄焉握算不知縱橫奚問勾股哉
太西來賓斯學始備徐元扈先生有則量法義勾
股義是周髀者勾股之經法義者勾股之微次段推測也然
周髀篇首包舉道法超註不能盡其微次為圖為文
世解經疎失難以合用太西以支干名號為圖為文
亦既詳顯而不耐讀者心以目昧掩卷度閣以故通
斯學者仍勘焉謨爰換茲編首註算經次臚諸法合
古今而淺言之出以己意發凡繪圖庶幾周開方說
解大彰法義彌著以便有志經濟之學者
一卷度算解一卷自序兩人有籌算一則載在崇禎
規者簡捷更倍焉但限長徑尺纖忽秒芒不能畢備
與籌珠算互有低昂因斬是編拓其精微刪其晦暗

存十線之畧廣未及之蘊使
學者知以度算者自此始
皇極統韻若干卷宣城
梅文
鼎勿菴集送章穎叔歸山陰詩七政有凌犯逆留稱
失行今以數求之良由軌道生薄蝕詳九股視差隨
處更踵事成密率誰言古未精未可忽天戒三才同
一情兩法孰能兼鶴李有耆英象林具古占測量西
術明問津今非遙嘉禾爾去程○自註秀水陳庸菴
先生年過八十著述其富余曾見其度算解象林度
測諸書及所製矩度然
未及識其人以為恨

戴涇一名涇字望之秀水人以久不遇自號雌居士集
名下制舉文四十五篇以為文家準則名曰三尺選
是時選家操甲乙者未盛行涇與同郡洪世基實創
為之黃汝亨選至四十八篇馮夢禎選至四十九篇

而吳中王士驕房仲繼之然皆斤斤取舍無過百篇者涇又為夢覺成法一編論作文之要

宋鳳翔字羽皇嘉興人長於制義初入郡庠未知名同郡有吳顯科者賞其文徧為延譽名遂起是時江左殷富而令甲非進士不得躋顯要皆屈首揣摩鳳翔評選制義丹黃甲乙曲中肯綮海內咸師尊之居郡北門外秋涇橋東以文投贄者接踵筐篚亦盈庭焉游北雍舉萬曆壬子順天鄉試第一卒所著有四書語錄

陳邦俊字良卿嘉興人諸生能文章未幾棄去為裨
官家言搜羅遺帙著廣諧史一卷又有見聞紀異而
牕雜錄明代異人傳子詩教字四可年十四為雞子
賦即宏雅可觀長益力學善屬文詞理該贍然恃才
凌折儕輩好為譏刺文字鄉里畏之

朱顏復字克非嘉善人父國望字士翹萬厯乙卯舉
人有兩築庚桑記一卷遭亂為土人所殺顏復工詞
賦天啟丁卯舉於鄉與景陵譚元春為詩友好叶險
韻自謂於元春有草木之味平生強半寄居僧舍

丑上公車感心疾歸卒年三十七著鹿柴詠一卷弟
曾省字魯參號退谷七歲喪母國望館徐州攜之行
年十六為諸生入南雍崇禎丙子中應天鄉試兄死
哀不自禁病踰年卒弟張銘

順治甲午舉人乙未進士

褚廷琯字硯雲嘉興人弱冠舉崇禎癸酉鄉試國破
後不仕善書自小草及聯額無不工其小字用畫筆
書之而骨肉仍相稱一時以為獨絕

陸上瀾字狂生號芳洲平湖人父又機字衡如天啟
中選貢知日照縣著尚書集解

見經義考

上瀾崇禎丙子

應天中式國破後不出博覽羣書年七十餘猶手一編不輟所著有詩文集二十卷有孫曰士琰

趙桓字庭春桐鄉人好學能詩父以家貧令為縣吏桓恥之父歿棄去以醫自給遂為名流著烏青感古集

孫淳字孟朴嘉興人諸生天啟甲子江南始創文社主其事者張溥張采楊廷樞楊彝顧夢麟朱隗王啟榮周銓周鍾吳昌時錢梅十一人分主五經文字之選而淳為之效奔走謂之應社嗣復廣之至十六人

於時雲間有幾社浙西有聞社江北有南社江西有則社又有歷亭席社崑陽雲簪社而吳門別有羽朋社匡社武林有讀書社山左有大社崇禎初元淳等肇舉復社僉會於吳始於戊辰成於己巳淳渡淮泗歷齊魯至京師賢士大夫必審擇而進之於社先後大會者三得不與者咸怨丁丑蘇州民陸文聲上言庶吉士張溥知臨川縣張采倡立復社恣為橫議遙執朝權亂政滋大上怒下提學御史倪元珙祭穀元珙上言諸生誦法孔子引其徒談經講學互相切劘

文必先正品必賢良實非樹黨文聲挾私妄訐宜罪
內閣溫體仁以元珙蒙飾降先祿寺錄事蘇州推官
周之夔者向亦入社至是希閣臣意墨經詣闕復訐
奏溥等樹黨挾持案久未結又有徐丹壑者草檄攻
之畧云派則婁東吳下雲間學則天如維斗臥子上
搖國柄下亂羣情行殊八俊三君蹟近八閩五鬼外
乎黨者雖房杜不得言事業異吾盟者雖屈宋不足
言文章或呼學究知囊或號行舟太保傳檄則星馳
電發宴會則酒池肉林所云行舟傳檄蓋謂淳也壬

午給事中姜埰御史金毓峒各上疏白其事有旨朝
廷不以語言文字罪人復社一案准註銷淳尋卒有
梅綰居詩稿靜志居詩話詩流結社自宋元以來代
至於文社始於天啟甲子是曰應白門再會稱極盛矣
開元宰吳江進諸生講藝於時孟朴里居結吳翺扶
九吳允夏去盈沈應瑞聖符等肇舉復社名動朝野
然而斂怨深矣福藩稱制阮大鍼怨戊寅秋南國子
諸生顧杲等一百四十人之具防亂公揭也日思報
復爰有王寔鼎東南利孔久湮復社渠魁聚斂一疏
大鍼語馬士英曰孔門三千而維斗渠魁聚斂一疏
何待至欲陳兵於江以為防禦心知無是事而意在
盡殺復社之主盟者時沈士桂崑銅吳應其次尾陳
貞慧定生等俱就逮繫獄桐城錢秉鐙宣城沈壽名
亡命得脫假令王師下江南少緩則復社諸君難
乎免於白馬之禍矣按慟餘雜記丙子阮圓海大鍼

在南都與一二故舊之官於南者游周仲馭鑣惡其
干預時政也率其心腹門生徐時霖邀集吳門江上
應試好名之士鳴鼓而逐國海一時宣傳以為千古
未有之暢舉福王立馬虎用事遂發難於復社意鳴
鼓而逐即詩話所云防亂公
揭而丙子戊寅所紀不同

吳宗潛秀水人初名系字方輪諸生國破改今名字
東里為諸生試輒居首會崇禎間文體多不正有入
告者上取閱之宗潛居首之文在焉以其橫肆特旨
發五等後學臣至仍首拔焉甲申後以醫自晦卒年
七十七門人私謚曰貞毅先生友人集其倡和所作
曰驚隱集又有東里文集宗潛兄弟九人皆棄儒為

農振蘭重暉最知名振蘭字九畹更名宗漢有南村集亦輯名流倡和者曰歲寒集重暉字曉山更名宗汝有西山集兄子炎字赤溟坐莊氏史獄與潘耒章同論死

錢應金字而介嘉興人諸生從李日華姚士粦游長於詞及駢麗語酷嗜章篆購奇石鐫刻無虛日崇禎中歲大饑疫死者載道應金募人掩瘞與同郡主事高承埏相友善凡所著述皆承埏為之序國破走窮鄉避兵為盜所殺承埏葬之為作亡友春波詞人傳

有古處堂集北牕詞牋古堂詩餘應金之未死詣承
挺索數十金承挺碎而與之曰人情擾攘挾重資出
必賈禍碎之庶或可免應金卒見殺

潘樞章字聖禾號力田本吳江人曾祖志伊嘉靖乙
丑進士廣西叅政樞章年十五寄籍桐鄉為諸生國
變棄去隱郡城之韭溪橋時僅弱冠於天文歷算地
理皇極太乙之學無不通曉又與同里吳炎王錫闡
戴笠仿司馬遷義例作明史記未成而史獄起與朱
友明等同日論死年三十八妻沈有身隨坐北徙生

子不育仰藥卒裡章為文長於考覈有今樂府國史
考異松陵文獻杜詩博議星名考壬林韭溪集行世

弟耒

康熙己未
博學鴻詞

卜舜年字孟碩本吳江人寓居秀水少孤有異質年
十八赴童子試知縣顏欲章奇其文拔置第一遂補
諸生尋游陳繼儒之門繼儒嘗周其貧乏性好客得
錢汗漫樽酒為奇服以駭俗人人皆以為狂既乃學
曲於梨園張懷仙每酒闌作曼聲傾倒一座年三十
餘學鍊形術致療疾死者綠曉齋集體格贅牙有東

野長吉風市靜志居詩話孟頫負才傲世恒衣舊衣入
坎塹不平仿屈平楚辭作涵涵章假帝詰河伯之文
有曰東聯湍汶兮南絡沅湘黑者錯白兮弱者間強
災既淪於入坎兮害乃基於剥牀翹商羊之舞兮
又安賭儀鳳之蹙蹙兮固帝心之欣禍兮亦今俗之好
殃又聞杜松劉綖二將喪師賊長謠千餘言以詬楊
鎬平居好結客客至必留坐是奇窘或三日不爨終
不乞米於人也

沈受祺字憲吉嘉善人居麟湖旁累世殷富所居古
松鬱然亭館幽勝受祺能文與吳士錢禧同硯席禧
死其制義稿賴受祺而傳受祺雖不第制義亦自成
家與禧相頡頏焉味水軒日記至池灣訪沈爾侯仲

池左右脩竹映帶枯松九樹本大五六圍幹皆如柱
亭亭入雲其他雜木芳卉蒙茸翳蔚山有四洞其
嵌空中容石坐其一博雅性喜白而渡乃先世白
林公所築白石林好古博雅性喜白而渡乃先世白
縞素曾畜鶴百餘號百鶴道人其弟號其者蓄百
以副之爾侯出觀其大父貞石公號士立者手書數
通楷法精妙虞永歐顏靡不融貫魏塘紀勝麟谿
沈氏園昉於宋明正德間有名斐者更為增築斐字
忠之多畜鶴別號百鶴翁拓地為東西舍疊石為山
依山結屋題曰北山草堂繞屋舊有九松錫以名曰
萊伯亭仲高叔平季傲五危六間七懶八橫九後其
孫受祺築小雅堂明建文遜蹟時所書錢吉士禧有
記